



Broj: 04-16-3-989-11/23
Sarajevo, 19.05.2023. godine

Na osnovu člana 64. stav (1) tačka b), člana 70. st. 1., 3. i 6. Zakona o javnim nabavkama („Službeni glasnik BiH“, broj 39/14 i 59/22) i na osnovu Zapisnika o ocjeni ponuda broj: 04-16-3-989-10/23 od 19. 5. 2023. godine, u postupku javne nabavke usluga print servisa „click charge“ za potrebe Ministarstva komunikacija i prometa Bosne i Hercegovine, ministar komunikacija i prometa *d o n o s i*

ODLUKU O IZBORU NAJPOVOLJNIJEG PONUĐAČA u postupku javne nabavke usluga print servisa „click charge“

Član 1.

Ponuđaču C-SERVIS d. o. o. Sarajevo, kao najbolje ocijenjenom ponuđaču, sa ponuđenom cijenom u iznosu od 152.500,00 KM bez PDV-a, dodjeljuje se Okvirni sporazum za javnu nabavku usluga print servisa „click charge“, a na osnovu Zapisnika o ocjeni ponuda broj: 04-16-3-989-10/23 od 19. 5. 2023. godine.

Član 2.

Prijedlog okvirnog sporazuma o nabavci dostavit će se na potpis izabranom ponuđaču C-SERVIS d. o. o. Sarajevo po isteku roka od 15 dana, računajući od dana kada je ponuđač obaviješten o izboru najpovoljnijeg ponuđača.

Član 3.

Za izvršenje ove odluke zadužuje se Odsjek za finansijsko-materijalne poslove.

Član 4.

Ova odluka objavit će se na internetskoj stranici Ministarstva komunikacija i prometa Bosne i Hercegovine (www.mkt.gov.ba) i istovremeno će se uputiti svim ponuđačima koji su učestvovali u postupku javne nabavke.

Član 5.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke usluga print servisa „click charge“ broj: 04-16-3-989/23 od 5. 4. 2023. godine i sproveden je putem otvorenog postupka nabavke.

Procijenjena vrijednost javne nabavke bez PDV-a iznosila je do 153.846,15 KM.

Obavještenje o nabavci broj: 1236-1-2-91-3-30/23 i tenderska dokumentacija broj: 04-16-3-989-2/23 je poslata i objavljena na Portalu javnih nabavki 14. 4. 2023. godine.

Na osnovu obavještenja na Portalu javnih nabavki, tendersku dokumentaciju je preuzelo 16 ponuđača (Izveštaj o preuzimanju tenderske dokumentacije od ponuđača u prilogu).

Komisija za predmetnu javnu nabavku (dalje u tekstu: Komisija) dostavila je rukovodiocu ugovornog organa Zapisnik o ocjeni ponuda sa preporukom o izboru najpovoljnijeg ponuđača broj: 04-16-3-989-10/23 od 19. 5. 2023. godine.

U postupku ocjene ponuda utvrđeno je da je Komisija blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike u kojima je konstatirano da:

- je ukupan broj pristiglih ponuda 4 (četiri);
- su blagovremeno zaprimljene 4 (četiri) ponude;
- nije bilo neblagovremeno zaprimljenih ponuda;
- **su ponude ponuđača C-SERVIS d. o. o. Sarajevo i BIRO KIP d. o. o. Banja Luka prihvatljive;**
- **je ponuda ponuđača R&S d.o.o. Sarajevo ocijenjena kao neprihvatljiva (član 2. stav (1) tačka 1) podtačka 2) Zakona) i nepravilna (član 2. stav (1) tačka 1) podtačka 3) Zakona) iz sljedećih razloga:**

1. Ukupna cijena ponude bez PDV-a iznosi 168.000,00 KM i ista je iznad procijenjene vrijednosti ove nabavke koja iznosi 153.846,15 KM.
2. U vezi sa traženim iz člana 5.4.2. a) tenderske dokumentacije, ponuđač je dostavio nepotpune dokaze da ima uspješno iskustvo u realizaciji najmanje jednog ugovora u posljednje tri godine ili od datuma registracije odnosno početka poslovanja, koji je u vezi s predmetnom nabavkom odnosno čiji je karakter i kompleksnost adekvatan predmetnoj nabavci i čija ukupna vrijednost iznosi najmanje 153.800,00 KM bez PDV-a. Naime, ponuđač je u svojoj ponudi dostavio dvije potvrde o uspješno realiziranim ugovorima u 2021. i 2022. godini koje su glasile na iznos od 27.787,50 KM bez PDV-a i 5.150,00 KM bez PDV-a, što u zbiru iznosi 32.937,50 KM bez PDV-a.
3. U vezi sa traženim iz člana 5.4.2. b) i c) tenderske dokumentacije, ponuđač nije dostavio dokaze da je osposobljen za pružanje usluga koje su predmet ovog postupka javne nabavke, i to:
 - Izjavu kojom dokazuje da će tokom perioda trajanja okvirnog sporazuma imati angažovano najmanje pet stručnih, ovlaštenih i certificiranih serviseri za obavljanje poslova servisiranja ponuđene ispisne opreme (navesti imena i prezimena serviseri), uz obavezno dostavljanje certifikata proizvođača kojim se potvrđuje da su isti certificirani i stručni za obavljanje poslova servisiranja uređaja koji će biti stavljeni na raspolaganje ugovornom organu kao i prevod istih od strane ovlaštenog sudskog tumača na jedan od službenih jezika koji su u upotrebi u Bosni i Hercegovini. Za stručne osobe angažirane kod ponuđača dodatno priložiti i ovjerene kopije ugovora o angažmanu kod ponuđača, ovjerene u nadležnoj Poreznoj upravi;
 - Izjavu kojom dokazuje da će tokom perioda trajanja okvirnog sporazuma imati angažovane najmanje tri stručne, ovlaštene i certificirane osobe za obavljanje poslova softverskog upravljanja ponuđenim softverom (navesti imena i prezimena serviseri), uz obavezno dostavljanje certifikata proizvođača softvera kojim se potvrđuje da su isti certificirani i stručni za obavljanje poslova softverskog upravljanja ponuđenim softverom koji će biti stavljeni na raspolaganje ugovornom organu kao i prevod istih od strane ovlaštenog sudskog tumača na jedan od službenih jezika koji su u upotrebi u

Bosni i Hercegovini. Za stručne osobe angažirane kod ponuđača dodatno priložiti i ovjerene kopije ugovora o angažmanu kod ponuđača, ovjerene u nadležnoj Poreznoj upravi.

- **je ponuda ponuđača Konzorcij: EMADO d.o.o. Sarajevo – nosilac i SYSTEM ONE d.o.o. Sarajevo – član je nepravilna (član 2. stav (1) tačka 1) podtačka 3) Zakona) iz sljedećih razloga:**

1. U vezi sa traženim iz člana 5.4.2. b) tenderske dokumentacije, ponuđač je dostavio Izjavu o angažovanju pet stručnih, ovlaštenih i certificiranih serviseri za obavljanje poslova servisiranja ponuđene ispisne opreme i certifikate proizvođača kojim se potvrđuje da su isti certificirani i stručni za obavljanje poslova servisiranja uređaja koji će biti stavljeni na raspolaganje ugovornom organu, međutim za imenovanog Admira Bajrovića nije dostavljen dokaz o angažmanu. Admir Bajrović nije naveden ni u Listi osiguranih lica za obveznika EMADO d.o.o. Sarajevo i SYSTEM ONE d.o.o. Sarajevo, niti je za njega priložen ugovor o angažmanu kod ponuđača, ovjeren u nadležnoj Poreznoj upravi.
2. U vezi sa traženim iz člana 5.4.2. c) tenderske dokumentacije, ponuđač nije dostavio certifikate za najmanje tri stručne, ovlaštene i certificirane osobe proizvođača MyQ softvera kojim se potvrđuje da su isti certificirani i stručni za obavljanje poslova softverskog upravljanja ponuđenim softverom koji će biti stavljeni na raspolaganje ugovornom organu, nego je priložio certifikate proizvođača Kyocera za softverska rješenja.
3. U vezi sa traženim iz člana 5.4.2. d) tenderske dokumentacije, ponuđač nije dostavio detaljnu tehničku dokumentaciju proizvođača za ponuđeni softver iz koje se jasno i nedvosmisleno mogu potvrditi sve ponuđene karakteristike softvera, nego je priložio vlastiti opis ponuđene aplikacije MyQ.

U postupku ocjene provedenog postupka nisu nađeni razlozi, nepravilnosti niti propusti u radu koji bi eventualno bili osnov za neprihvatanje preporuke Komisije te je utvrđeno da je izbor najpovoljnijeg ponuđača izvršen u skladu sa Zakonom o javnim nabavkama (u daljem tekstu: Zakon), podzakonskim aktima i tenderskom dokumentacijom.

Uvidom u priloženu dokumentaciju, nesporno je da je izabrani ponuđač C-SERVIS d. o. o. Sarajevo, nakon provedene e-aukcije, najbolje ocijenjen zbog kriterija najniže cijene, koja je ponuđena u iznosu od 152.500,00 KM bez PDV-a, dok je drugorangirani ponuđač BIRO KIP d. o. o. Banja Luka ponudio ukupnu cijenu ponude u iznosu od 153.700,00 KM bez PDV-a.

Slijedom navedenog, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 10 dana od dana prijema.

Prilog: kao u tekstu

Dostavljeno:

1. C-SERVIS d.o.o. Sarajevo,
2. BIRO KIP d.o.o. Banja Luka,
3. R&S d.o.o. Sarajevo,
4. EMADO d.o.o. Sarajevo,
5. Komisiji za javne nabavke,
6. 01, 02, 03, 04/3,
7. Internetna stranica MKP BiH,
8. a/a.





IZVJEŠTAJ O PREUZIMANJU TENDERSKE DOKUMENTACIJE OD STRANE PONUĐAČA

Naziv ugovornog organa: MINISTARSTVO KOMUNIKACIJA I TRANSPORTA/PROMETA BIH
IDB/JIB:4200862970008
Broj postupka:1236-1-2-91/23
Vrsta postupka:Otvoreni postupak
Naziv predmeta ugovora:Usluge print servisa „click charge“
Izveštaj kreirao:Aida Alibegovic
Datum kreiranja izvještaja:19.5.2023. 15:09

R.br.	Tenderska dokumentacija	Datum objave	
1	TD_1236-1-2-91_23.zip	14.4.2023.	
R.br.	Naziv ponuđača koji je preuzeo tendersku dokumentaciju	IDB/JIB	Datum i vrijeme preuzimanja
1	"SVJETLOST-BH PRINT" D.O.O. SARAJEVO	4202043620009	14.4.2023. 9:16:43
2	BBS EUROPE	4403188520008	14.4.2023. 9:23:30
3	EKAPIJA DOO	4950134590001	14.4.2023. 10:05:10
4	C SERVIS DOO	4200023360008	14.4.2023. 10:05:18
5	BIRO.KIP D.O.O.	4402286590000	14.4.2023. 10:59:16
6	SYSTEM ONE D.O.O. SARAJEVO	4201339960003	14.4.2023. 11:30:33
7	ARTCO GROUP	4202695450008	14.4.2023. 11:54:21
8	S CONSALTING D.O.O MOSTAR	4227403690006	14.4.2023. 12:16:32
9	PRINTEX	4200597450005	14.4.2023. 12:19:09
10	R&S D.O.O. SARAJEVO	4200056290005	17.4.2023. 8:36:44
11	ŠTAMPARIJA FOJNICA DD FOJNICA	4236045660000	17.4.2023. 14:07:50
12	PROINTER ITSS DOO BANJA LUKA-ČLAN INFINITY INTERNATIONAL GROUP	4403865130009	18.4.2023. 7:37:35
13	ALF-OM	4400810890005	18.4.2023. 8:53:37
14	"PROINTER ITSS" D.O.O. SARAJEVO	4202442080000	18.4.2023. 9:32:40
15	GRAFIKA ŠARAN D.O.O.	4200400760008	20.4.2023. 9:27:11
16	EMADO D.O.O. SARAJEVO	4201929330005	29.4.2023. 13:05:05

